

20 Keespin ayiseyine wítwátche, ne sakehaw Muneto, maka oo' chewama pukwatatche, ke-yaskew: weya una áka ka sakehat oo' chewama ka ké wapumat, tanse ká ké isse sakehat Munetoowa áka á ké wapumat?

21 Mena áwuko oma oo'nussoowāwin ka ké meeyikooyúk, Una ka sakehat Munetoowa oo' chewama ussitche kitta sakehāo.

PISKĒTUSSINÁHIKUN V.

Túto oweyuk ka tapwátúk Jesusa á Christeweyit Munetoowa ké nĕtawekehik; mena túto oweyuk ka sakehat unehee ka nĕtawekehewāyit, sakehāo mena unehee ka ké nĕtawekehayit.

2 Ákota ka óche kiskāyétumúk Muneto oot owasimisa á sakehimúk, Muneto á sakehúk, mena á kunowāyétumwúk oo'nussoowāwina.

3 Weya áwuko oma Muneto oo sakehikoo-win, kitta kunowāyétumwúk oo'nussoowāwina: mena oo'nussoowāwina numoweya ayimoneyewa.

4 Weya túto kākwi Muneto ka nĕtawekĕtwakāt sakoochétamukun uske: mena áwuko oma sakoochehewāwin ka sakoochétamúk uske, ke tapwátumoowinenow ote.

5 Owāna una ka sakoochétat uske, piko una ka tapwátúk Jesusa á Muneto oo' Koosisaneweyit?

6 Áwuko owa ka ké pā itótāt nippe mena miko óche, Jesus Christ ote; numoweya .